

Kwegha Kusoma Bbaibbuli mu Kitabo kya Bikoluwa bya Bakwenda

Nsuula 9-18

Kitabo kya 2 haa 3



... A library in every language!

Lubwisi

Scripture Use

Weebale kumala Kusoma nsuula sini! Haanuma ya kukuukamu bibuuliyo haa bupaapulo 4 buni bwakumaliilila, ojomboho bupaapulo obu, obutwalilie muntu oghu aakuhaaye kitabo kini. Dumbi niikuwo oghende haa nsuula syakumaliilila sya kitabo kya Bikoluwa byabakwenda.

Na bakwenda baa Mukama waatu Yesu Kilisito beekambagha mu kughabana hamui kighambo kya Luhanga, kuliila hamui, kusembela na kusabila hamui. (Bikoluwa 2: 42)



hambali bantu baateghekagha kubahuula
mabaale nakubabonaboniya. (14:7)

4. **Majima** kedha **Bisubha** Mu Lesitula
manaabukali oghu akaba ali na milimu, oghu
akalagha n'ebughiisaniya akasiima ati dhaani
aajunuuwe Milimu eghi yaamutalibanijagha.
(16:19)
5. **Majima** kedha **Bisubha** Obu Paulo na Silaasi
baabakwente kandi mbabahuula kandi
mbakubuwa munkomo, bakaghuwa basaaaluuwe
kandi bahakaniye kikoluwa eki nanga ebo
bakaba bali Banalooma. (16:25)
6. **Majima** kedha **Bisubha** Bahikilija baa
Antiyokiya bakatuma sente obu baaghuuye ngu
bahikilija baa Yelusaalemu bali munjala.
7. **Majima** kedha **Bisubha** Obu Paulo na
Balanaba baali batakatuyemu bati Yohaana
Maliko aghende nabo mulughendo, ebyalughiye
mu mpaka esi, ekaba ngu ebo boona baakale eka
bataghenda kutodha kutebeeja kighambo kya
Luhanga.
8. **Majima** kedha **Bisubha** Paulo akahuuluwa
mabaale baamutigha alekeeye haai na kibugha
kya Ikoniya. (14:19)

Kwegha Kusoma Bbaibbuli mu Kitabo kya Bikoluwa bya Bakwenda

Nsuula 9-18

Kitabo kya 2 haa 3

**Bible Study Guide for Acts of the Apostles, chapters 9-18
Book 2 of 3**

Translated by: Rev. Canon. Timothy Bandirana

Edited by Musinguzi Charles

Lubwisi

Trial Edition
December, 2010
300 copies

ISBN

Acknowledgements:

Original content drafted by Brenda Rietveld, quiz by Grace Halland, edited by Robin Rempel, SIL, UTB. Maps and cover illustration all used with permission.

Permission is granted for non-profit reproduction of this book in local languages only.

© Kwamba/Lubwisi Development Association
c/o P.O. Box 1124
Bundibugyo, Uganda
with
© SIL International
P.O. Box 750
Entebbe, Uganda



Kulangilila

Kighendeleluwa kya kitabo kya Njegheesiya ya Kusoma Bbaibbuli, nkukoonela bahikilija kwetegheeleliya bihandiiko kusaalila mu kitabo kya Bikoluwa bya Bakwenda, kikukoonela dheer kwetegheeleliya masomo makulu aghalimu aghakwet'o Luhanga, Yesu, bantu hamui na bwomiili. Nkighendeleluwa ngu abatali bakilisitaayo kedha bahikilija bahyaka nabo beetegheeleliye kusaalila mu kusoma Bbaibbuli.

Kusoma Bbaibbuli kuni kukugubha kukoluwa na muntu omui, kedha banabubhootu babili, mbasomela hamui kandi mbaasuliisiya bibuuliyo hamui. Kandi bantu mbagumbaane hamui bakugubha kweghela hamui dheer kitabo kuni. Mwebembeli na bantu aba akusomagha nabo Bbaibbuli, abhonganuuwe kudubha kusoma buli esomo niikuwo boona dheer basomele hamui mbanabugh'o mituwe nkulu eghi baaboone kandi ntuwamu eghi baatuyemu eghi ehikiye baghite mu bwomiili bwabo bwa buli kilo.

Kusoma Bbaibbuli kuni kukukoleebuwa na bantu abakubughagha mudughe oghuli mu Disitulikiiti ya Bundibugiyo bakuukalgha Bughuwa ejoba bwa Uganda. Bengana-ngaane nga bantu bahikiye haa namba 300,000.

Kitabo kuni nkitabo kyakabili haa bitwike 3 ebili mu kitabo kya Bikoluwa. Buli kitwike kya kitabo kilimu nsuula 8-10 sya bikoluwa bya Bakwenda. Buli kitabo kili na kilengeso haa kumaliilila. Buli muntu abhonganuuwe akikole. Obu olamala kilengeso ekili haa kumaliilila, okihe oghu akuloleleeye haa mulimo. Bakuha bbaluwa oghu aamaliye kilengeso kuni.

Nuwaabbaliye kumanya bikaniye haa bikwet'o mubughe ghwa Lubwisi, ohik'o supavaija waawe kedha Oteele haa namba eni 0782-611-496.

4. Mbiki byalekiye bahikilija baa Bbeleya baaba bambaghanija na bahikilija baa Tesalonika? (17:12)

5. Ni nsuula ki hambali tukusanga bukwenda bwa Paulo haa bantu baa Atena hambali abaghambilagh'o Luhanga oghu baali batamaniye? _____

6. Akwila na Pulisila mbiki? Mbiki ebi baakolagha niikuwo batunge sente kandi niikuwo bakoonele Paulo na Apolo? (18:1-4; 24-26)

Majima kedha bisubha. Olakebeela majima kedha bisubha obu olamanya eghi omaniye oti niyo ehikiye.

1. **Majima kedha Bisubha** Saulo bamughilamu Paulo. (13:9)

2. **Majima kedha Bisubha** Paulo akaghila ati makulu ghasemeeye ghaa kujunuwa bakaghatumila Baayudaaya bonkaua. (13:26)

3. **Majima kedha Bisubha** Paulo na Balanaba bakeeyongela kutebeja makulu ghasemeeye haanuma yakuligitila mu kibugha kya Ikoniya



5. Mbiki byabaay’o Lidiya obu aaghuyye butumuwa obu Paulo aabughagh’o haai-haai na kyambu?

(16:14)

a) Akasaaliluwa; b) Luhanga akaaghula mutima ghuwe aaba na ntuwamu egghi ehikiye kusighikila haa bukwenda bwa Paulo; c) Luhanga akaaghala mutima ghuwe dumbi aabhenga kuhikilija bukwenda bwa Paulo.

6. Nkibuuliyo ki eki mulindi waa nkomo aabuuiye Paulo na Silaasi? (16:30)

a) Mbiki bilekiye muteebisa? b) Mbiki bhonganuuwe kukola niikuwo njunuwe? c) Ekilekiye mutantanga muti nteeita mbiki?

Nkuukamu nkee. Ohandiike mu myanya muni nkuukamu nkee egghi ehikiye.

1. Mbiki ebi kanisa yaakoliye obu baakwete Peetelo? (12:5)

2. Mbiki ebi kanisa yaatuuyemu kukola obu abaagh’o kiteekeleejo kya bantu bahikilija bahyaka eki babhonganuuwe kukola? (15:20, 28-29)

3. Mbiki ebi Paulo na Silaasi baghambiiye mulindi waa nkomo obu ababuuiye haa eki abhonganuuwe kukola niikuwo ajunuwe? (16:31)



Preface

The purpose of this Bible study booklet is to guide new readers who have limited knowledge of the Scriptures through the book of Acts, helping them focus on some prominent themes in order to learn important lessons about God, Jesus, people and life. It is intended that either non Christians or new Christians can effectively profit from this Bible study.

This Bible study can be easily done by individuals, or two friends reading the passages and discussing the questions can fill out the booklet together. It can also be used as a guide in a group Bible study. The leader and the other members of the Bible study group should read each lesson and answer the questions before coming together to go through it together or before discussing key points and applications as a group.

This Bible study is being used by the Bwisi speaking people located in Bundibugiyi district of Uganda as well as across the border in eastern DR Congo. The population of the people is about 300,000

This booklet is number 2 in a series of 3 booklets. Each Bible study booklet covers 8-10 chapters of Acts. Each booklet has a small quiz or test at the end of the booklet can be filled out by the individual. When the enclosed tests have been successfully completed, give them to your Bible study supervisor. A certificate is available for those who successfully complete all 3 of the Acts Bible study tests/quizzes.

Maapu 1: Lughendo lwa Paulo lwokudubha (Bikoluwa 13, 14)



Kwekomelamu. Ote mu kaabbokisi nkuukamu eghi ehikiye.

1. **Mbiki ebi banamahanga baakoliye haala hoonini haanuma ya kuhikilija na kutunga Mwoyo Ahikiliye? (10:48)**
 - a) bakatandika kukola byakuswekaniya; b) bakatandika kutebeeja kulungi; c) bakabatijibuwa mu liina lya Yesu
2. **Bayudaaya bahikilija bakakuukamu batiya haa ebi Peetelo aasobolooye haa bikwet'o Koloneeli? (11:18)**
 - a) Bakasiima Mukama bati aaleetiye kujunuwa mu abatali Bayudaaya; b) tabaamuhikiliije; c) bakamughambila bati alughe mu kanisa
3. **Mbileemeeji ki ebi kuhiighanijibuwa kwaleetiye haa kighambo kya Luhanga mu Yelusaalemu? (12:24)**
 - a) Kighambo tikyaghendiye hambali kyali kibhonganuuwe kughenda; b) kikeeyongela kandi kyamalakaka hoona-hoona; c) Kikafooka kitabo kyalugheji-gheji; d) Kikakuwa kandi baakibililuwa
4. **Ni ani akaleka Paulo n'aba aakalagha nabo baakala mbanatebeeja mu Asiya? (16:6)**
 - a) aba butoki; b) bahikilija banji; c) Mwoyo Ahikiliye.



Bibuuliyo byakusaalilamu

Nkuukamu nkee. Ohandiike ekihikiye.


1. Mbiki ebi bantu baa Liida na Salooni baakoliye haanuma ya kubona Peetelo akiliye oghu akaba alamaaye maghulu? (9:35) _____
2. Mbiki ebi Peetelo aakoliye haabwa maani ghaa Luhanga haa muhikilija baaghilamu Tabiita (Doolika)? (9:40) _____
3. Kubonekeluwa oku Luhanga oolekiye Peetelo atakaghendiye kulola Koloneeli, mbiki kwolekagha? (10:28) _____

4. Ekyalekagha Peetelo aakala naaghenda muka ya Koloneeli mbiki? (10:28) _____


5. Okuteekeleja kujunuwa kusaalila mu Yesu Kilisito kuliyo haabwa bantu banji na banji bbaa? **Ee kedha bbaa** Osoboolole mulingo tumaniye kini ntukoleesiya kyakuloolel'o kya Peetelo na Koloneeli (10:34-36). _____



Maapu 2:
Lughendo
Iwa Paulo
Iwakabili
(Bikoluwa
15:36 –
18:22)



Maapu 3:
Lughendo
Iwa Paulo
Iwa
kasatu
(Bikoluwa
18:23 –
21:17)



Esomo Iya 14

Bikoluwa 9:32-43

Bantu mbeeyongela kuhikilija Yesu mu Yopa

Osome Bikoluwa 9:32 – 43 milundi ebili.

□ Okebela mu kaabbokisi niwaamaliye kukisoma milundi ebili.

1. Mbiki ebi Peetelo aghambiiye musaasa alamaaye maghulu? (9:34)

2. Mbiki byabaay'o? _____

3. Okuteekeleeja Peetelo akakiliya musaasa oni haabuwe enkaha? _____

4. Mbiki byalughiye mu kyakuswekaniya eki? (9:35)

5. W'oleke hambali Yopa eli haa maapu? _____
Mbiki byamubaay'o? (9:36, 37)

6. Nkintu ki eki Peetelo aadubhiye kukola obu abaagha mu kisiika eki Tabiita aabaghamu? (9:40)

7. Nkiki kinji eki Peetelo aatodhiye aakola? (9:40)

8. Mbiki byabaay'o? (9:40 – 41)

D. Ohandiike hani ebi Mukama aghambiiye Paulo 18:9-10a kandi okwate bighambo bini mu mutuwe ghwawe.

mu Kolinto, akatigha Silaasi na Timiseewa kuukala mbaneegeesiya bahikilija bahyaka abakuhikilija. Kandi obu aalughiye mu Efeeso, akatighayo Akwila na Pulisila kutwala mu maaso mulimo ghwa Makulu ghasemeeye na kwegheesiya bahikilija bahyaka abakwekuukamu. Mu njegheesiya ya Akwila na Pulisila niimuwo Apolo aaiye kwetegheeleliya na kuhikilija muhanda ghwa kujuna kwa Luhanga. Dumbi Apolo aaghenda mu Kolinto (19:1). Kulugha mukusoma kitwike kini, okugubha kutunga kwetegheeleliya kulungi mulingo Paulo atandikiiyemu kanisa ya bahikilija. Okeehiyo mikoleele yee eni kandi obugh'o mulingo bini byangukukoonela uwe kukulakulaniya kanisa ya mu kitwike kyanu.

C. Otodhe osome 18:26. Osoboololoho mulingo ngughuma na mulimo ghwa bakalij na basaasa ghwa ngukolela hmui mu njikala yewaanu kukoonela kuhabula Mutebeji, kedha muheeleliya oghu ateetegheleleeye kulungi bihandiiko bya Luhanga.

9. Mbiki byalughiye mu kyakuswekaniya eki? (9:42)

Kintu kya kwebuuliya uwe wenkaha

A. Taabiita akakola bintu bilungi bikaniye. Akaha sente siye bantu banaku kandi aasonagha ngoye sisemeeye asiha bakwisiya. Luhanga akukoleesiya ghatebeji nga (Peetelo, Saulo kedha Paulo) atodha akoleesiya bantu baa ngughuma nga abasusiye Taabiita. Naawe Luhanga akugubha kukukoleesiya dhe. Ohandiike hani mulingo Luhanga angugubha kukukoleesiya kukoonela bantu banji.

B. Tookwetaghisibuwa kuba mutebeji wa maani. Luhanga akuhaaye bintu byakukoleesiya haabwa kwoleka kukunda kuwe haa bantu be. Osabe Mwoyo akukoonele kukwoleka mulingo wangumuheeleleliyamu. Ohandiike hani kusaba kwawe oku.

Esomo Iya 15

Bikoluwa 10:1–33

Kighambo kya Luhanga nkya buḷi muntu weena!

Osomo Bikoluwa 10:1 – 8 milundi ebili.

- Okebela mu kaabbokisi niwaamaliye kukisoma milundi ebili.

Koloneeli akaba ali muntu wa kitinisa kya maani mu mahe ghaa Looma. Akaba ali munamahanga. Muntu weena oghu abaagha atali mu Yudaaya, abaagha ali munamahanga. Bajilaghuli, baa Alabbusi nabajungu n abantu banji boona abatali baa Yudaaya bakaba bali banamahanga. Koloneeli akaba atali mu Yudaaya bhaatu akaba ali muntu oobahiye Luhanga kandi amuhikiliije.

1. Mbiki byabaay'o Koloneeli? (10:3)

2. Mbiki ebi Malaika amughambiiye? (10:4, 5, 6)

Lughendo lwa kulugha Kaisaaliya kuhika Yopa lwenganangaane na kilomita 50. Ooloole okakuba n' ogubha kubona Kaisaaliya na Yopa haa maapu.

Osomo Bikoluwa 10:9 – 23 milundi ebili.

- Okebela mu kaabbokisi niwaamaliye kukisoma milundi ebili.

Mu lukaala lwa 25 lukutughambila luti Apolo akaba amaniye kubatija kwa Yohaana kwonkaha. Kini kikwoleka ngu eye akaba eetegheleleeye ebyendaghaano nkulu byonkaha na ndaghaano sya mujuni na kubatija kwa Yohaana, bhaatu akaba atamaniyo Yesu' kukuwa kwa Yesu na kuhumbuka kuwe.

26. Mbiki ebi Akwila na Pulisila baghambiiye Apolo? (18:26)

27. Mbiki byabaayoho obu Paulo aaghendiye mu Asiiliya? (Kolinto ekaba eli Tauni ya mu Asiiliya eghi niiyo hambali Apolo aakalagha.) (18:27, 28)

Kusaba

- A. Otodhe osome 18:4,19. Ni mbaghanija ki eghi eli haa kubugha na bantu (kuhaanuula) na kubugha na bantu (kutebeja)?

Okuteekeleja ebugha lyakuhanuula lyangugbaatikaniya litiya kighambo kya Luhanga mu bantu aba ookaayemu?

- B. Obu Bayudaaya bahakaniyagha Paulo nabeegheesiy'o Yesu, aba aabalekagha, abbala bantu banji. Obu Paulo aalughiye

21. Ndaghano yee mu Bayudaaya ekaba etiya obu aabaagha mu Efeeso? (18:21)

22. Ni Maatauni ki agha Paulo aahikiyemu haanuma ya kulugha mu Efeeso? (18:22, 23) Oghabbale haa maapu.

Okuteekeleja ekyalekiye Paulo aaghenda mu Yelusaalemu na mu Antiyokeya mbiki? (Otodhe osome 11:1-4; 25-30; 15:1--4 kyangukuh'o kyeleeli.)

Haakumaliilila kwa lukaala lwa 23, Paulo amaiye kumaliilila lughendo luwe lwakabili kandi akaba naamaliye kuha lipoota mu makanisa gha Yelusaalemu naa Antiyokeya aghamutumiyeye kughenda.

Osome milundi ebili Bikoluwa 18:24 – 28.

Olakebele milundi ebili obu alaba osomiyemu milundi ebili.

23. Ni ani akakidha mu Efeeso? (18:24)

24. Okumusoboolol'o otiya? (18:24)

25. Mbiki ebi Apolo aatebije? (18:25)

3. Mbiki ebi Peetelo aaboone obu aanasabagha? (10:10)

Mu bighambo byawe, obugh'o eki kwolekuwa kwamaniisiyagha.

Bisolo ebi Peetelo aaboone bikaba bili bya milingo ebili, ebisemeeye n' ebitasemeeye. Kusighikila haa bilaghilo bya Bayudaaya, akaba haliyo biliyo ebi baali beebindiye kuliya. Ebi niibiyo baghilagha myati ebiteeliye. Eki kyalekagha Bayudaaya bataliya na bantu banamahanga, nanga banamahanga baaliyagha buli kantu koono. Eki kyalekagha Bayudaaya babona banamahanga batali bantu beeliye nanga kuliya eki bakasangiyeye.

4. Ekyalekiye Peetelo ataabbala kwita na kuliya bisolo ebi mbiki? (10:14)

5. Mbiki ebi elaka lyamughambiye? (10:15)

6. Okuteekeleja eki kikumanisiya ki?

Ekyalekiye elaka lyabugha litiyo mbiki?

Hani niiho Peetelo aakyegheeye ati tatubhonganuuwe kubonagha baghenji bantu nga bintu binughuwa. Mu maaso ghaa Luhanga etuwe boona twengaane!

7. Mbiki byabaayo Peetelo obu anateekelejagh'o haa kwolekuwa oku aaboone? (10:17 – 21)

Osome bikoluwa 10:24 – 33 milundi ebili.

- Okebela mu kaabbokisi niwaamaliye kukisoma milundi ebili.
8. Mbiki Koloneeli aakoliye obu Peetelo aakidhiye mu kikalalo kiye aabaaghamu? (10:25)
9. Peetelo akakuukamu atiya? (10:26)
10. Haa kumaliilila, Peeteelo akeetegheeleliya kwolekuwa oku Luhanga aamusuukuliye. Akakusoboolola Koloneeli mu lukaala lwa 28 na 29. Bukwenda obu bwaghilagha butiya? (Obihandiike mu bighambo byawe)

16. Okuteekeleeja Sositeene oghu akaba ali na butoki bwakughaba elamiliyo hambali Paulo aakoleelagha ntegheka siye buli wiiki (18:4), Bayudaaya bakamuhuula? (18:17)

Osome milundi ebili Bikoluwa 18:18 – 23.

- Okebela mu kaabbokisi niwaamaliye kukisoma milundi ebili.

17. Haanuma ya bwile nihaa hambali Paulo aaghendiyeye? (18:18) obbaloho haa maapu.

18. Ni ani akaghenda na Paulo? (18:18)

Lukaala lwa 18 lukutughambila luti Paulo akaba aghembiye esoke mu mutuweghuwe mu Kilikiya nanga akaba naamaliye kulahila. Kini kikaba kili kilahilo kya banazili kutaghamba esoke Kubala 6:1-21. esoke lyabo lyahikilijibuwagha kukula mu bwile bwakilahilo eki, kulighemba, kyolekagha ngu ndaghaano yakutanga kughemba eli mahuwo.

19. Nihaa hambali baakidhiye kandi nkintu ki kyokudubha eki Paulo aadubhiye kukola? (18:19)

20. Akaakaloho obu baamusabiye kuukaloho? (18:20)

8. Dumbi ni ani Paulo aaghendiyoho kutebeja? (18:6)

9. Obu Paulo aatandikiye kuha buukaiso mu banamahanga, mbiki byabaayoho? (18:8)

10. Mbiki byabaayoho Paulo mu kilo ya kilo kimui? (18:9, 10)

11. Mbiki ebi Paulo aakolagha haabwa mwaka ghumui na kicweka? (18:11)

12. Haanuma ya bwile, mbiki ebi Bayudaaya baakoliye? (18:12, 13)

13. Mbiki Bayudaaya banyegheelelaagh'o Paulo? (18:13)

14. Mbiki Mulemi (Galeeliyo) oghu akaba ali munahanga aakuukiyemu? (18:14, 15)

15. Okuteekeleeja ni ani akalinda Paulo kulola ngu taatwiluwa musango?

Kusaba

A. Luhanga eenini alakaba naaghambiiye Peetelo ati makulu ghalungi ghani tighalitodha kuba ghaa Bayudaaya bonkaha bhaatu ghakuba gha bantu boona abali mumsi, eki kikumaniisiya ki hali uwe obwalo?

B. Mu esomo lini, twasomiy'o bantu babili abaatungiyeye kwolekuwa kulugha hali Luhanga. Ghuni niighuwo mulingo Luhanga aabughiyemu na bantu mu bwile buni obu Bbajbbuli enaakubugha naatu. Haliyo obu Luhanga bwile bunji asobola kukoleesiya mulingo ng'oghu, bhaatu niibuwo aabugha naatu dheer mu milingo yambaghanija. Wangughamb'o milingo eghi Luhanga akwete kubughilamu naatu?

C. Ohandiik'o mulingo waaghuyeye Luhanga naabugha naawe.

D. Okadhootela Luhanga obu aabughiye naawe? _____

E. Bbajbbuli etulaghisaniye eti weena oghu akubbala Luhanga akumubona. Hani tuboone ebyabaayoho Koloneeli. Naawe dheer onakubbala Luhanga? _____ Ni

ndaghano ki egghi oli nayo?

Esom Lya 26

Bikoluwa 18:1 – 28

Kulalangiya Kighambo kya Luhanga haabwa kubbala bakwenda na kughenda mu maaso

Osome milundi ebili Bikoluwa 18:1 – 17.

□ Okebela mu kaabbokisi niwaamaliye kukisoma milundi ebili.

1. Nihaa hambali Paulo aaghendiye obu aalughiye mu Atena? (18:1) Obbale kibugha kini haa maapu 2.

2. Mbaki aba Paulo aabhootanuuwe nabo? (18:2)

3. Ekyalekiye aakala na musaasa oni hamui na mukali oni nkiki? (18:3)

4. Ni haa hambali Paulo aaghendagha buli Kilo kya Sabhato? (18:4)

5. Mbiki aatebejaghayo? (18:5)

6. Okuteekeleja Bayudaaya bakasiima ebi Paulo aabughagha? (18:6)

7. Mbiki ebi Bayudaaya baakoliyo Paulo? (18:6)

E. Otodhe osome lukaala lwa 26. Mbki okuteekeleeja haa bini?
Majima ghani ghakuleekagha weeighuwa otiya?

F. Okwehighuwagha otiya obu okuteekelejagho nangoku
waahanguuwe na Luhanga haa bwa kighendeleluwa kya
bwomiili bwawe?

H. Oli na kunihila kwona oku olinakuwa kulugha mu bwomiili
buni kandi otodhe obe mwomiili haanuma ya bwomiili buni?

I. Kumanya hambali waalughiye, kumanya kighendeleluwa
kya bwomiili bwawe na kumanya ebya ngughenda
kukubooho mu maaso, kyangutooho mbaghanija mu
mulingo oghu olimu bilo bini? Osobooloole nkuukamu
yaawe.

Esomo Iya 16

Bikoluwa 10:34 – 11:18

Kighambo kya Luhanga na Kisembo kiye

(Mwoyo Ahikiliye) mbimalakaka

banamahanga

Osome milundi ebili Bikoluwa 10:34 – 43.

□ Okebela mu kaabbokisi niwaamaliye kukisoma milundi ebili.

*Peetelo aatandika kutebeeja abeeka ya Koloneeli, Ofisa omui
Munalooma, Amughambi'lo mu bigufu nangoku Yesu
alubhatangiye haa guuli ya maasi hansi hani nebyamahono
ebi aakoliye kandi amughambila nangoku aakuuye kandi
aatodha ahumbuuka.*

1. Okope lukaala lwa 34 na 35 kandi ositeekeleejoho!

2. Yesu akalaghila atiya beeghesebuwa be? (10:42)

3. Mbiki balangi baali mbaabughiye ebimukweteh'o? (10:43)

Okisome Bikoluwa 10: 44-48 milundi ebili.

□ Okebela mu kaabbokisi niwaamaliye kukisoma milundi ebili.

4. Mbiki byabaay’o mu lukaala lwa 44?

5. Ekilekiye kini kyambaghanija mbiki? (10:45)

6. Ni mulingo ki Luhanga aakyolekeeyemu ati aaseesiye kisémba kya Mwoyo Ahikiliye haa banamahanga abakuhikilija Yesu? (10:46)

Okuteekeleeja Peetelo na Baayudaaya bahikilija bakakyetegheeleliya batiya bati banamahanga bani niibuwo baasinda bukulu bwa Luhanga obu balaba mbabughagha mu mibughe eghi ebo batamaniye? (10:46)

7. Mbiki ebi Peetelo hamui na Bayudaaya baakoliye na banyamahanga abahikilija? (10:47, 48)

8. Oteekeleejoho haa bikwet’o Koloneeli na Peetelo, niikuwo obugho mu bihi-bihi ebyabaayoho kedha ebi bantu hamui na Luhanga baakoliye obu muntu ahikilije? (10:42-48)

Ohandiike ebili mu njikala ya ewaanu ebyangukubeele nga mugisa ghwakutebejelo kighambo kya Yesu Kilisito.

B. Bantu bakaniye abatwelihiye mba ‘Kilisitaayo’ bhaatu bakughilagha bati ebo tabajunuuwe bbaa. Obu okubughaaghog’o Yesu, mbiki bantu bakwetegheeleliya ghoho Yesu?

Bakuteekeleejagha bati niye ani?

C. Mbiki ebi wangughambila muntu oghu akughila ati akubbala ‘kujunuwa’ kedha kubyaluwa bwakabili?

D. Ekilekiye kili kyamaani kandi nkyetaghisibuwa kweteghejebuwa na kuhikilija kuhumbuuka kwa Yesu Kilisito mbiki?

10. Okuteekeleja Paulo akabugh'o liina lya Yesu obu aatebejagha mu bantu baa Atena? (17:22-31) _____

Okuteekeleja ekyalekiye Paulo eegheesiya mu mulingo ghuni mu bantu bani mbiki?

11. Bantu bakakuukamu batiya obu Paulo aatandikiye kubugh'o haa muntu oghu akahumbuuka mu bakuuye? (17:32, 34)

Kusaba

A. Paulo aatodha atandika kutebeja kusighikila haa kubbala naa magheji ghaa bantu aba aabughagha nabo. Bantu baa Giliki baatekeleejagha bati haliyo baa Luhanga bakaniye kimui muni. Tibaali bamaniye Luhanga oghu akahanga nsi n'eghulu hamui na bantu, niibuwo Paulo aatandikiye kubugh'o Luhanga oghu akahanga kulugha haa ntandikilo ya bwile kandi nabasoololoho hambali bantu baalughiye. Ni mulingo ki oghu wangutandilamu kubughilamu makulu ghasemeeye ghaa Luhanga kukila munu n'obugha na bantu b'ewaawe boonini?

Mbiki ebi osanguuwe omaniye?

Osome milundi ebili Bikoluwa 11:1 – 18.

□ Okebela mu kaabbokisi niwaamaliye kukisoma milundi ebili.

Bakwenda baaghuwa nangoku Peetelo aatebiije Makulu Ghasemeeye mu bantu banamahanga, boona baaghuwa batamuuwe nahabweki. Haanuma ya bwile bukee, Peetelo abaghambila byona ebyabaayoho, baatandika kusima Luhanga kandi baakibona nangoku Luhanga aatandikiye kufuwo na bamyahanga (bantu abatali Bayudaaya. Luhanga akuloolelelagha bantu atakusighikila haa mahanga kedha ntula esi balughiyemu.

9. Obu Peetelo anaghambilagha bakwenda nangoku na banamahanga bahikiliije, akaghila Luhanga ahaaye banamahanga bani kitembo ng'eki atuhaaye kyonini dhe. (Olole 11:16-17). Niikiyo kyahao?

Kusaba

A. Okuteekeleja ngu muntu weena oghu asiimiye Yesu Kilisito nga mujuni wee, aagujunuwa atasighikiye haa ehanga liye kedha ntula yee? Ohandiike hani eki ohikilaniije nakiyo.

B. okaakuba nuwaabaagha niwaaghuuy'o bwile bumui ngu Luhanga akatuma Malaika hali muntu weena kumuleetela makulu ghee waa Luhanga, ohandiik'o noobugh'o ebyabaayo naamakulu agha bamughambiiyo.

C. Luhanga akukoleesiyagha bantu niikuwo baghambile bantu banakyaabo haa bimukwet'o. Oghuuye naawe naakubilikila niikuwo oghambile muntu weena haa bimukwet'o? _____
Ni ani oghu oghuuye naakutuma ewe? _____
Oghuuye obbaliye kukikola? Ohandiike nkuukamu yaawe ekuwa hani.

Osiime Luhanga nanga akukundiye munu-munu.

4. Obu Paulo anaghendagha mu Atena mbiki ebi aaboone? (17:23)

5. Obugh'o mu biihi-biihi ebi Paulo aabughiyu Luhanga mu Lukaala lwa 24-25.

6. Ni haa hambali bantu akulughagha? (17:26)

7. Kighendeleluwa kya Luhanga kuhanga bantu kikaba kyaki kandi ekyalekiye aabata hansi ng'eni mbiki? (17:27)

8. Paulo akasiima ati kwoni tuli bantu balughiye mu Luhanga eenini! Mbiki ebi Luhanga atulaghiiye kukola nga bantu balughiye hambali ali? (17:30)

9. Ekilekiye bantu babhonganuuwe kwekuukamu kandi kuleka bintu bibhi ebi bakwete kukola mbiki? (17:31)

Ni ani oghu Paulo akwete kubugh'o mu lukaala 31?

Esomo Iya 25

Bikoluwa 17:16 – 34

Kighambo kya Luhanga nkighenda mu Atena kandi bantu bakee mbakihikija

Osome milundi ebili Bikoluwa 17:16 – 34.

□ Okebela mu kaabbokisi niwaamaliye kukisoma milundi ebili.

1. Obu Paulo aali analindiye Timiseewa na Silaasi, aaghenda-ghendagha mu Atena. Obbale Atena haa Maapu. Mbijibu ki Paulo aasangangaane mu Tauni muni? (17:16)

Paulo atandika kuhakangana na banadiini baa mu kitwike eki. Bantu bani ebo bakaba bahikilije ngu haliyo baa luhanga bakaniye kimui, kandi baluhanga bani tibaali baakaaye hamui bbaa kandi bakaba baakaaye hamui na bantu.

2. Kusighikila haa lukaala 18, ni haa hambali beebembeli baa diini bani baasiimiye ebi Paulo egheeseeye?

3. Mbiki baabughiye haa njegheesiya yee? (oloole lukaala 19 na 20)

Mu lukaala 19 bakatwala Paulo haa keena bakughilaghamu Aleopangasi. Ala niho hambali abaamagheji baahanuulilagha.

Esomo Iya 17

Bikoluwa 11:19 – 30

Kubona-bona kukaleka kighambo kya Luhanga kyamalakaka hantu hoona-hoona.

Osome Bikoluwa 11: 19-30 milundi ebili.

□ Okebela mu kaabbokisi niwaamaliye kukisoma milundi ebili.

Kitwike kini kikutusoboololoho bikee haa milimo ya Makulu Ghasemeeye ya bahikilija obu bahanjagukaane haanuma ya kuhiighanijibuwa hambali Sitefaano aamukiiyemu. Bakaleeta Makulu Ghasemeeye mu Antiyokiya, Balanaba bakamutuma mu Antiyokiya naye aatandika kubbala hambali Paulo ali. Bakakidha mu Antiyokiya bali hamui. Mu Antiyokiya hakaba haliyo njala ekaniye kimui, haabwa njala eghi kuba mu kikalo eki, kikaleka baatuma Paulo na Balanaba mu Yelusaalemu na bisembo bikaniye kimui niikuwo bikoonele bantu baa Buyudaaya.

1. Haanuma ya kwita Sitefaano (Bikoluwa 7:57 – 60) bakahiighanija bahikilija mu mulingo ghubhangikaane. (Bikoluwa 8:1) Baalalangila mu Buyudaaya na Musamaliya. Mbiki byabaayoho haabwa kuhiighanijibuwa kuni? (11:19)

2. Mbiki byabaayoho mu lukaala lwa 20 na lukaala 21?

3. Okuteekeleja ekyalekiye bahikilija b'omu Yelusaalemu baatuma Balanaba mu Antiyokiya mbiki? (11:22)

4. Nkuukamu ya Balanaba ekaba etiya obu aakidhiye mu Antiyokiya? (11:23, 24)

5. Bahikilija baabeetagna batiya mu Antiyokiya haa mulundi ghwokubanja? (11:26)

6. Mbiki ebi bakwenda baatuuyemu kukola mu nkaala sini 29 na 30? Nkiki kyalekiye baakola ebi?

7. Bbaibbuli ekyolekiye kulungi eti tubhonganuuwe kweghendeseleja kulughagha eli tukoliye kintu kyona haagati ya Luhanga na bantu kukilamunū obu tulabaagha ntukolangana na bighambo bya sente. Bakwenda ebo bakeelinda batiya haa bighambo bya sente na bisembo bya kanisa? (11:29,30)

eki ooghuye nkikutanga kughabana Makulu Ghasemeeye agha na bantu banji? Nkiki kyonini?

Ebikwet’o Paulo na Balanaba na bakwenda banji, bikukuyamba bitiya naawe kughambila bantu banji kighambo kya Luhanga?

Anguba haliyo muntu weena mu bwomiili bwawe oghu wangubaliye naye amanya Yesu nga mujuni wee? Obahandiike hani kandi osabe Luhanga aaghule biteekelejo byabo na mitima yabo niikuwo bagubhe kuughuwa Makulu Ghasemeeye ghani.

- C. Bantu baa Bbeleya bakatuwamu kusoma kighambo kya Luhanga niikuwo babone majima ghaa ebi Paulo na Silaasi babaghambilagha. Kini nkintu kyamaani kyakukola! Takisaasaniye ni mulingo ki weesighiye mutebeji, obu alaghuwagha kighambo kya Luhanga kedha kulugha mu kutebeeja/ kedha mu kwegheesiya, naawe weenini weesomelagha Bbaibbuli niikuwo weenini okimanye ngu ebi bakwete kubugha ni majima. Bbaibbuli nkighambo kya Luhanga, bwile bunji n’obunji, bantu tabakutungagha makulu ghaakiyo ghoonini mu mulingo ghuteeghiye – na batebeji boonini nabo tabakuyetegheeleeliyagha kulungi!! Osabe Luhanga akukoonenele kwetegheeleeliya na kwegha ebyahandiikuuwe. Okwate bikoluwa 17:11 kandi oluhandiike haa kuw’o hani.
- _____

Kusaba

- A. Obughoho mu bwomiili bwawe hambali waaghendeeye mu bwomiili bugumangaane, bhaatu byahinduka kuba bintu bisemeeye kand mu bwile bulungi.
- _____
- _____
- _____
- _____

- B. Kini kikubugha haa Luhanga?
- _____
- _____

- C. Ohandiike kukughija kwawe noosiima Luhanga nanga niye akwete kukola buli kintu kyona! Okugubha kuhandiika kusiima kwawe mu mulingo ghwa kighano kedha kilimbo.
- _____
- _____
- _____

- D. Ohandiikoho bwile obu uwe kedha kanisa yaawe obu Mwakooneeye muntu weena obu babaagha batali na byokuliya bikumala. Osoboolol’o nangoku uwe kedha kanisa yaawe mukuloolelelagha ebya sente kedha bisembo by’ekanisa.
- _____
- _____
- _____

Esomo Iya 18

Bikoluwa 12

Kighambo kya Luhanga kikughendagha haabwa kuhiighanijuwa.

Osome Bikoluwa 12:1 – 5 milundi ebili.

Okebela mu kaabbokisi niwaamaliye kukisoma milundi ebili.

1. Mbiki ebi mukama Helude aakoliye (12:1, 2, 3) (mbitu 3)

Yakobbo mwana wa nina Yohaana, akaba omui mu bakwenda baa Yesu bookubanja.

2. Mbiki ebi kanisa yakoleeye Peetelo? (12:5)

Osome milundi ebili Bikoluwa 12:6 – 19.

Okebela mu kaabbokisi niwaamaliye kukisoma milundi ebili.

3. Peetelo akalangaala mukilo Helude atakamutweseeye hanja. Mbiki byabaay'o? (12:7 - 10) (Sbibuugh'o mu biihi-biihi.)

4. Ni haa hambali Peetelo aghendiye obu eetegheeleeye ebyaleukaane? (12:12)

haabwa kutunga buukalo busemeeye? (17:10)

6. Nimbaghanija ki eghi eli haa Bayudaaya baa Tesalonika na Bayudaaya baa Bbeleya? (17:11)

7. Mbiki byabaay'o obu Paulo aatebije mu Bbeleya? (17:12-13)

8. Paulo akaghenda haa? (17:15) kiikalo kini okibbale haa maapu.

Kusaba

A. Obu aabaagh'o kubhengeleela kighambo kya Luhanga bantu kukiiguwa mbaghila bati batakitebeeja, Paulo (naakooneeluwa bahikilija) baaghenda mu kiikalo kinji. Osobooloole nooha nsonga eghi ehikiye kilakaba nkyali kihikiye kedha kighuuye kukola kini.

B. Naawe oghuuye okighonjiye kughambil'o bantu banji haa Makulu Ghasemeeye ghaa Yesu? _____ Haliyo

Esomo Iya 24

Bikoluwa 17: 1 – 15

Kighambo kya Luhanga nkihakanijibuwa, mbakisiima kandi mbakisoma

Osome milundi ebili Bikoluwa 17:1 – 15.

□ Okebela mu kaabbokisi niwaamaliye kukisoma milundi ebili.

1. Olole haa maapu okubona kihanda kya Paulo na Silaasi kulugha mu Filipi mbaghenda Tesalonika. Mbiki ebi Paulo aakoliye mu Elamiliyo Iya Tesalonika ? (17:2, 3)

2. Ni ani akaasa kumanya Mukama? (17:4)

3. Ohandiike mu biihi-biihi ebi Bayudaaya abatahikiliije baakoliye. (17:5, 6)

4. Obu Paulo na Silaasi (hamui na Luka) baaghendiye mu kibugha kihyaka kutebeja kighambo kya Luhanga, ni haa hambali baakalagha? (16:15; 17:7)

5. Ohandiike mu myanya eghi ekuheebeeuwe kand obbale haa Maapu nambali bahikiliya baatumiyi Paulo na Silaasi

5. Ekyalekiye aaghenda eghi mbiki?

6. Okuteekeleja bahikiliya bakakisiima eki Looda aabaghambiiye ati Peetelo aasiye? (12:15)

7. Bakaghila bati ni ani?

8. Okuteekeleja Peetelo akaakalo mu numba ya Maliyaamu (12:17)

*Lukaala lwe 19 lukughila luti Helude akaata balindi.
Kusighikila mu kilaghilo kya Looma, munankomo
aakeebisagha, balindi baafubiluwaagha mu mulingo oghu
banankomo bali baafubiililuwaaghamu.*

Osome milundi ebili kitwike kini kya Bikoluwa 12:20 – 23.

□ Okebela mu kaabbokisi niwaamaliye kukisoma milundi ebili.

9. Lukaala lwa 20 lukubugh'o butakengangana obu Helude abaagha nabuwo mu kitwike kya bukama buwe. Ekyalekiye bantu baa Tilo na Sidooni basaba businge mbiki? (12:20)

10. Bantu bakwete kughila bati Helude ni ani mu lukaala lwa 22?

11. Mbiki byalughiyemu haabwa eki? (12:23)

12. Haagati-naagati yakuhiighanijubwa, bijibu, kwitibuwa, kusaba na kweghesebuwa? (12:24)

Kusaba

A. Bwomiili bwa Peetelo bukasusa ng'obu oti bwahikiye haa kumaliilila. Naawe okisiimiye oti kwesigha Luhanga kyangukulughilamu kintu kisemeeye? Ohe kya kulooleloho.

B. Peetelo akalekeluwa kulugha mu nkomo na mu luku haa bwile obu. Yakobbo eye taalekeeuwe bhaatu eye akaatibuwa. Oboone kini kikwomililiye kuketegheeleliya? _____ Ohandiik'o ebi ohikilijemu mu mulingo Luhanga akukoleelaghamu, kedha bibuuliyo ebi okuughuwagha oteetegheleeye mu bwomiili bwawe.

C. Obu Peetelo abaagha mu nkomo kandi mu bijibu, bahikilija bakamusabila. Naawe wanguba oli na muntu oghu wangughonjiye tusabila? Ohandiike kusaba oku okuughuwa noobbala kusabila muntu oghu kedha mbeela eghi.

B. Paulo na Silaasi baalimbagha nankabha mbaabaagha mu kubona-bona kandi bijibu bikaniye bikaba bibeelighililiye. Ohandiik'o biteekelejo byawe kedha nangoku naawe waabona-boone bhaatu ookala noonalimbila Mukama.

C. Okwate bighambo bya Paulo na Silaasi 16:31 obihandiike hansi hani.

16. Mbiki ebi Paulo na Silaasi baakoliye obu baalughiye mu nkomo? (16:40)

17. Mbiki byaleukanagha mu numba ya Lidiya kandi okuteekeleja ekyalekiye bahikilija baasanga-sangaana haala nkiki? (16:40)

18. Waamaliye kwetegheleliya ekyalekiye Mwoyo Ahikiliye atasiimilaniya Paulo na bakooneli be kughenda mu Asiya kusighikila nangoku twasomiye mu Bikoluwa 16:6-7. Okuteekeleje ekaba nsonga ki ya maani?

Kusaba

A. Mu esomo lini, tukusangamu bantu basatu boolekeewemu: Lidiya (Mukali musubuli wa maani), Manaabukali oghu akaba akwatuuwe bilimu hamui na mulindi wa nkomo. Makulu ghalungi ghaa Yesu nga buli muntu weena: Muujongo, muntu mukulu, muguudha, munaku, basaasa na bakali. Kini kikulekagha weehighuwa otiya kandi okuughwagha nobbala kukola ki?

Osabe! Weeghe kighambo kya Luhanga. ohe Luhanga kyona eki okuughwagha kikulemeleleeye. Omwesighe oti akukukoleela ekihikiye, kandi ekisemeeye, nankabha oba oteetegheleleeye buli kintu kyona.

Esomo Iya 19 Bikoluwa 12:24 – 13:52

Kighambo kya Luhanga nkimalakaka mu

Kipulo na Pisidiya

Osome bikoluwa 12:24- 13:12

- Okebela mu kaabbokisi niwaamaliye kukisoma milundi ebili.

Mu kitwike kini tukusomaghamu ngu Saulo niye bakughilamu Paulo. Liina liye likahinduluwa obu atuyemu kuhikiliija Kilisito. Niikiyo oboone mu bitwike bikaniye mbamughilamu Paulo.

1. Mbiki byabaayo habwa kighambo kya Luhanga? (12:24)

2. Mbiki ebi baa mulangi na beegheesiyaa baa Antiyokiyabaakolagha mu kilo kimui? (13:1, 2)

3. Mbiki ebi Mwoyo Ahikiliye aaghambiiye beebembeli bani kukola? (13:2)

Bantu aba bakakuukamu batiya? (13:3)

4. Obbale Kiikalo kya Kipulo na kibugha kya Pafosi haa maapu y'okubanja. Mbiki ebi Epafuladito, Polokolo wa Pafosi, aasaba bakwenda kumwisoho? (13:7)

11. Mbiki ebi balemi baa kibugha baakoliye? (16:22, 23)

12. Paulo na Silaasi bakaba bali mu mbeela egumangaane munu-munu. Nimbeela ki eghi boolekiye kandi mbiki ebi baakoliye kusighikila haa mbeela yabo eghi? (16:25)

13. Ohandiik'o bighambo bikee haa byabaay'o mu bighambo byawe kusighikila haa nkaala sini 26 – 34.

14. Mulemi wa kibugha akaghambila mulindi wa nkomo ati asobola alekela Paulo na Silaasi baghenda. Mbiki ebi Paulo aakuukiyemu? (16:37)

15. Mbiki byaswekaniye mu Mukama wakibugha kandi byamwobahiiliiliya? (16:38)

5. Mbiki byabaay’o obu baaghendiye yo mulundi gunji mu kusaba? (16:16)

6. Manaabukali oni akatungila atiya mukama wee sente? (16:16)

7. Nkiki kyalekiye aatakangana, kusighikila haa Paulo na banji? (16:17)

Ghakaba majima haa ebi aabughiye kedha ebi Kilimu kyabughiye?

8. Okuteekeleja mbiki byaluwakakiye Paulo haa manaabukali oni kedha Kilimu kwetanukanga? (16:18)

Mbiki aakoliye?

9. Mbiki byalekiye bakama baa manaabukali oni baghenda basaaluwe? (16:19)

10. Mbiki ebi bakama baa Manaabukali baakoliye haa Paulo na Silaasi? (16:19, 20)

5. Ni ani ataali abbaliye ebi? (13:8)

Ekyali kilekiye atabibbala mbiki?

6. Mbiki ebi Paulo aghambiye musaasa oni? Obibugh’o mu biihi-biihi. (13:9 – 11)

Ebi byona Paulo akabyekolela enkaha haabuwe? (13:9)

7. Mbiki byabaay’o Polokolo obu aaboone ebyabaay’o? (13:12)

Osome milundi ebili Bikoluwa 13:13 – 52

□ Okebela mu kaabbokisi niwaamaliye kukisoma milundi ebili.

Mu kitwike kini tukusanga Paulo na Balanaba mbatebeja mu Antiyokiya na Pisiidiya. Bakaba batumuuwe kulugha Antiyokiya ya Siliya.

8. Obbale kibugha Pisiidiya na kibugha kya Antiyokiya haa maapu 1.

9. Obu baalughiye mu Antiyokiya, ni haa hambali Paulo na Balanaba baaghendiye? (13:14)

10. Mbiki ebi beebembeli baa malamiliyo babaghambiiye kukola? (13:15)

Paulo akatebeeja mu Bayudaaya mu lukaala lwa 16-41. Akatandika na byafaayo bya Isaaleeli dumbi aahika haa Masiya, oghu Bayudaaya baakalagha balindililiye. Obu aasobololooye byafaayo byabo aaleng'o kubakengeesiya nangokui Masiya aamaliye kwisa.

11. Oosuliisiye mu bwanya buni:

Luhanga akakoma baataata baatu baa bantu baa

_____. (13:17) akabaaya mu _____

naabatwala _____. (13:17 – 19) akabaha

_____ kubeebembela kuhikiya nabbi

_____. (13:20) haanuma y'ebi, akabaha

_____ oghu baaghilaghamu Saulo. (13:21) Obu

abaahiy'o Saulo abaha _____ nga mukama

(13:22) kulugha mu baasukulu baa Ibbulahimu, Luhanga

akaamukiliyamu _____ haabwa Isaaleeli

kwetuwa _____. (13:23)

Bantu baa mu Yelusaalemu na bakama baabo

tabeetegheleeye Yesu nga muntu atumuwe na Luhanga,

bhaatu baka _____ eye. Mu kukola eki,

bakasuliisiya _____ ekikusomuwagha buli kilo

kya Sabbiite. (13:27)

Esomo Iya 23

Bikoluwa 16:11 – 40

Kighambo kya Luhanga nkimalakaka Filipi

kandi na Kanisa mpyaka neetandika

nakubonabona kukaniye

Okisome milundi ebili Bikoluwa 16:11 – 40.

□ Okebela mu kaabbokisi niwaamaliye kukisoma milundi ebili.

1. Obbale haa maapu kandi ohandiike mu myanya eghi ekuheebewe eghi biikalo hambali Paulo naabaamukoonelagha baahikiye. (16:12)

2. Ni haa hambali baaghendiye kilo kyasabbiite kandi mbiki baakoliye? (16:13)

Akaba ataliyo elamiliyo (hambali Bayudaaya baalamiliyagha) mu Filipi, eki kyamanisiya ngu akaba haliyo Bayudaaya bakee. Elamiliyo kub'o kyetaghisibuwagha akili nga basaasa 10 babe bahikihiye.

3. Mbiki ebi Mukama aakoleeye Lidiya obu aali ategheleeye Paulo? (16:14)

4. Mbiki ebi Paulo nabaabhootu siye baakoleeye Lidiya na bantu baa munumba ya yoono? (16:15)

B. Paulo, Silaasi na Timiseewa bakadhootela Mwoyo wa Luhanga obu aabaghambiiye ati, “Mutaghenda,” dūmbi abaaghambila hambali babhonganuuwe kughenda. Bwile bunamunji tubhonganuuwe kuba bantu bakwetegheeleliya hambali Luhanga akubbala ati tughende. Ohandiiko bwile obu Luhanga “aaghiliye ati bbaa” kedha “aghila ati olindoho” atakakusimilaniye aghila ati ee.. naasiimiye. Mbiki ebi oboone bigumangaane kulinda nakwesigha Luhanga mu bwile nga buni? Osoboolole?

Okihikilije ngu kyona eki Luhanga akukolagha nkilungi haa bwawe. Obbalile mu kusaba kandi omusabe magheji! Akukukuukamu.

Nankabha balaba batatungiye nsonga eghi balamwiti’o, bakabuuliya _____ kumuta mu _____. Obu baa maliye kuusuliisiya byona ebyali _____ haa liiye, baa mutwala ekuwa kumuuya e _____ kandi baa muta mu _____. (13:28, 29) Bhaatu Luhanga _____ kulugha mu bakuuye. (13:30) kandi tukubalangiliila _____ : Luhanga aahikililiye ndaghaano yee haa bwatu niikuwo ahumbuule _____. (13:32, 33)

12.Mbiki ebi bantu baasabiye Paulo na Balanaba obu baalughiye mu elamiliyo? (13:42)

Mbiki ebi kini kikukughambila haa ngeso syabo kedha kweghomba kwabo?

13.Mbiki byabaay’o haa Sabhato eghi ekalabh’o? (13:44)

14.Beebembeli baa Byudaaya bakeetwalikaniya batiya? (13:45)

15.Paulo na Balanaba bakakuukamu batiya? (13:46)

16. Mbiki byabaay’o haanuma ya kini? (13:48, 49)

17. Paulo na Balanaba bakaakala haala? Mbiki byalekiye baakal’o kedha baalugh’o? (13:50, 51)

“kukunkumula kituutu mu bighele” kakaba kali kabonelo kaa Palesitina akakwoleka ngu toobaliye kuba n’eki okukola na muntu weena; oli nga muntu otali na bujunaanijibuwa haa bantu aba/kedha muntu oghu.

18. Mbintu ki binji ebi bahikilija baa Antiyokiya baabaagha nabiyu dhaani hambali atali kighambo kya Luhanga (mbintu bibili)? (13:52)

Kusaba

A. Mbiki weeghiye mu esomo lini?

B. Mwoyo Ahikiliye akaghambila kibbula kya bantu ati bamuhe Paulo na Balanaba nanga ali na bujunaanijibuwa bwa mbaghanija bwanu. Nabo niikuwo baakoliye.

10. Mbiki ebi Paulo na bantu banji baateekeleejagh’o haa eki kwolekuwa kuni kukumaniisiya? (16:10)

Mu lukaala 10 tukusanga muhandiiki naakoleesiya bighambo ebikwoleka ngu naye akaba ali ng’oghu oti naye alimu mu kikoluwa eki kandi ghuli nga mulundi ghuwe ghwokubanja (...tukateekeleej’o kughenda...) nsoboolola eni ekwoleka ngu Luka (muhandiiki wa kitabo kya Bikoluwa) naye akasanga-sangana na bali basatu kandi eye akabali nga kaiso wa byona ebyaleukanagha ebili mu Kitabo kini.

Kusaba

Paulo na Balanaba bakaba bali nabutakengangana obu batagubhiye kubimala bonkaha. Baatuwamu kweghabanijamu. Ekyalughiyemu kikaba ngu boona bakatandika ngendo syakughenda kutebeeja. Mu kiikalo kya kuba na tiimu emui yonkaha, bakaba na tiimu ebili. Luhanga asobooye kukoleesiya baheeleliye bee kutakengangana niikuwo kighendeleluwa kiye kihikiilile! Mukama asiimu waghe bwile bwona haabwa magheji ghe.

A. Mwoyo Alukwela akaghambila Paulo milundi ebili kutaghenda mu biikalo binji. Waalaaghuuy’o Mwoyo Ahikiliye naakughambil’o kintu kyona kyakukola kedha kutakikola? Ohandiik’o bwile obu Mwoyo ghwa Yesu ghwa kulaghiye kulola kintu kandi ebi waakoliye.

6. Nkiki kyangukuswekaniya mu ebi Paulo aakoliye mu esomo 21 haa kusaluwa?

Nkyakuswekaniya kubona ngu Paulo akasala Timiseewa haanuma yakulwaniisiya kiteekeleejo ekikughila kiti bantu badubhe basaluwe niikuwo bajunuwe (15:1, 2). Kini kikaba kili kya banamahanga noobu kyabanga ngu ekya Bayudaaya ekiyo kikaba kili kyambaghanija. Waabaluwagha nga Muyudaaya njoko waawe angubaaye ali Muyudaaya kali. Nina Timiseewa akaba ali Muyudaaya kali, eki kyaleka baghila bati Timiseewa naye ni Muyudaaya. Ese wa Timiseewa akaba ali Mugiliki, eye taasaluwe bbaa. Paul aabbalagha ati bamusale. Eki aakikolagha ati niikuwo bagubhe kusangasangaana Bayudaaya atiliyo kutalibanijibuwa kwona.

7. Okuteekeleeja mulimo ghwa Paulo, Silaasi na Timiseewa ghukaba na maghobo ghoona ghwataay'o (16:4, 5)

8. Ni haa hambali baabbalagha bati baghende batebeje Makulu Ghasemeeye ghaa Luhanga? (16:6, 7)

Bakaghendayo? Ee./Bbaa. Mbiki byalekiye baaghenda/kedha mbiki byalekiye bataaghenda?

9. Mbiki byabaaye mu Taluso? (16:9)

Luhanga abahaaye bisembo byambaghanija, akugubha kukughambila ati okoleesiye bisembo byawe ebi haabwa kitiinisa kiye. Dhaani ohandiike hani bisembo ebi okuughwugha oti Luhanga akuhaaye ebi wangugubha kukoleesiya haabwa mulimo ghuwe?

C. Osome nkaala 38 na 39. Niwaanahikiliije Yesu, okuba osumululuuwe mu bibhi byawe kandi bwomiili bwawe okubula naye mu kihuumulo kya businge! Ohandiik'o haa kughaniluwa kwawe na bughabe bwawe.

Esomo Iya 20

Bikoluwa 14:1 – 28

Kutebejoho Makulu Ghasemeeye kandi kubugh'o dhee kuhiighanijibuwa

Osobe milundi ebili Bikoluwa 14:1 – 28

□ Okebela mu kaabbokisi niwaamaliye kukisoma milundi ebili.

1. Obbale Tauni ya Ikoniyo haa Maapu 1.

 2. Mbitu ki bibili ebyabaaye mu Ikoniyo kandi byatodha byaleukana mu Antiyokiya? (14:1, 2).

 3. Luhanga akongela Paulo na Balanaba maani ghanji niikuwo bakole ki? (14:3)

 4. Ekyalekiye Paulo na Balanaba baalugha mu Ikoniyo mbiki? (14:5 – 7)

 5. Obbale tauni ya Lesitula na Debbe haa maapu 1.
 6. Mbiki byabaay'o mu Lukaala Iwa 8, 9 na 10?

- Mbiki byalekiye musaasa aakila? (14:9)

Esomo Iya 22

Bikoluwa 15:36 – 16:10

Kighambo kya Luhanga nkitaaha mu ma tauni ghanji

Osome milundi ebili bikoluwa 15:36 – 16:10

□ Okebela mu kaabbokisi niwaamaliye kukisoma milundi ebili.

1. Paulo na Balanaba bali mu buteeteghelelaniya (15:36 – 39). Ni ani?

2. Nangaaki? _____

3. Mbiki byalughiye mu buteeteghelelaniya?

4. Paulo akatandika lughendo luwe Iwa kabili. Olole haa Maapu ya 2 olole hambali Paulo aghendagha. Nihaa hambali aadubhagha kughenda? (15:41)

Akaba nahikiy'o na mulundi ghunji?

5. Mbiki byabaaye mu Lesitula? (16:1 – 3)

babembiye esi? Obugh'o ekilekiye kitasemeeye kukoluwa kedha kismeeye kukoluwa.

C. Okuteekeleja kuhikilija mu Yesu Kilisito kyangukujuna kedha okuteekeleja oti obhanganuuwe kedha toobhonganuuwe kukola bintu (nga kusaluwa, kedha kutaliya mailungi kedha kuleka kunuwa mubaghi kedha kuwa maaluwa) niikuwa Luhanga akujune? Osoboolole kusighikila nangoku weetegheleleeye.

Obunji n'obunji biteekelejo bya mbaghanija na bantu baa mbaghanija basobola kusaalija kanisa. Tubhonganuuwe kuba nakyakuloleeloho kismeeye nangoku bakwenda baakoliye eghi: bagumbaanagha hamui, haala buli muntu atunga mugisa ghwakusoboololoho kwoleekuwa kuwe oku ali nakuwo kandi balooleela hamui kubbala kwa Luhanga nangoku kuli kandi Bbaibbuli ekuboghoho etiya haa kubbala oku. Bakilisitaayo abakuliye kandi abaamagheji ebo baatuwaghamu kusighikila nangokui Mwoyo Ahikiliye abakoonelagha kandi eki buli muntu weena aakisimagma kandi aakala nakiyo mu bwomili buwe. Eki kikaakukoluwa dumbi Mukama akutuha mugisa!

7. Abamuboone naalubhatanga, bakateekeleja batiya? (14:11 – 13)

8. Okuteekeleja Paulo na Balanaba bakaba badheedheeuwe haabwa bantu bani kubatwalikaniya mu mulingo baaheelaghamu kitiinisa emilimu ya bantu baa Giliki?

9. Ebo bakakola ki? (14:14, 15)

10. Bayudaaya banji kulugha mu Antiyokiya na mu Ikoniya bakaasa kudhamba-dhamba bantu b'omu Lesitula bati boohe Paulo. Mbiki ebi bantu baakoliyo Paulo? (14:19)

11. Mbiki ebi baakoliye mu Debbe? (14:21)

Haanuma ya kuleeta Makulu Ghasemeeye mu Debbe, Paulo ba Balanaba bakatodha baakuuka mu Antiyokiya ya Musiiliya. Bakakwamila mu maatauni agha baali mbaleetiye mu Mukulu Ghasemeeye niikuwo beekambiisiye bantu baayo. .

12. Mbiki baaghambiye bahikilija mu lukaala 22?

Okuteekelaja eki kikumaniisiya ki?

13. Mu lukaala 23 bakakoma bakulu kulugha mu buli Kanisa. Bakakoma batiya bakulu aba?

14. Haanuma ya kukidha mu Antiyokiya, mbiki ebi Paulo na Balanaba baakoliye? (14:27)

Kusaba

A. Mu bantu abakwelighililiye, anguba kuba haliyo bantu abaakukoleeye bisingo kedha uwe aba okoleeye bisingo? Ohandiike n'obugh'o ebi.

Bantu mbanabaaye aaniibo weesighiye munu-munu kusaaliya Luhanga, nteekeleja ng'eghi ebhonganuuwe kuhinduluwa mu bwomiili bwawe. Abhonganuuwe kub'o

11. Haanuma yakuumulikaniya butabanguko obwabaagh'o na kutuwamu ntuwamu eghi esemeeye haabwa kukooneluwa Mwoyo, mbiki ebi Paulo na Balanaba baakuukiyeeyo kukola? (15:35)

Ni ani akakola bini hamui nabo?

Kusaba

A. Obuteeteghelelaniya bukaba buli ngu Bayudaaya baahikilijagha ngu abatali Bayudaaya ebo bakwate bilaghilo bya Musa niikuwo bajunuwe. Abatali Bayudaaya baaghilagha bati 'bbaa, kuhikilija Yesu Kilisito niikiyo kyonkaha kikugubha kutujuna. Bhaatu abhonganuuwe kub'o mpinduka ya ngeso syatu syambele esitabhonganuuwe kuukala mu etuwe. Anguba haliyo kintu kyona eki oboone kili mu bwomiili bwawe, kedha mu bwomiili bwa bantu abali haai-haai naawe ekibhonganuuwe kihinduluwe niwaamaliye kuba muhikilija? Nkintu ki eki wangughonjiye kihinduka?

B. Okuteekeleja kikuha Luhanga kitiinisa haa muhikilija oghu ahikilije Yesu naye kwetaba mu mighendiyo ya kuusuka abakuuye hambali bakughendagha kumubembela/kedha kubugha na Milimu ya baataata baabo kandi baliya nyama

6. Mbiki binji byabaay’o banamahanga obu bahikiliije? (15:9)

7. Peetelo akaghila ati banamahanga babonganuuwe kusaluwa? (15:10, 11)

Mbiki ebi eye aabughiye? (15:11)

Haanuma ya Paulo na Balanaba kumala kuha lubajo lwabo mu bantu, Yakobbo naye aamuka kubugha. Mu lukaala lwa 14 akabughoho Simooni. Simooni niiliyo liina lya Peetelo mu Luhebbulalaayo. Mulangi niibuwo aalengesaniya mu lukaala lwa 16 na 17 mu kitabo kya Amosi 9:11,12.

8. Yakobbo akaghambila bantu ati banamahanga tababhonganuuwe kusaluwa. Oghambe bintu bbinaa ebi babhonganuuwe kukola. (15:20)

9. Obu Paulo na Balanaba baakuukagha mu Antiyokiya, ni ani akaghenda nabo? (15:22)

Mbiki ebi Paulo na Balanaba baaghendiye nabiyo? (15:23)

10. Nkuukamu ya Kanisa ya mu Antiyokiya ekaba etiya? (15:31-33)

kwekuukamu. Ohandiike kusaba okukwet’o bini.

B. Mu lukaala 15 – 18 Paulo na Balanaba bakaghambila bantu bati Luhanga ali hoona-hoona. Akuhaagha mbula mu bwile bwayo aat’o kukesha mu bwile bwakuwo. Mu bhaluwa eghi ahandiikiye Balooma, Paulo akaghila ati, tukugubha kubona Luhanga kusaalila mu bihanguwa kandi taaliyo n’omui oghu ali n’eki akwekwatiisiya haabwa kuhikilija Luhanga. Olole ebikwelighiliiye ohandiike ebyakwolekiye ngu majima Luhanga niibuwo aakola mulimo ghwa maani.

C. Bantu bakahuula Paulo mabaale nanga babbalagha bati bamwite. Kukwama Yesu kyomiiye nanga kyangumaniisiya kubona-bona. Ohandiik’o ebi ohikilijemu haabwa kuba Mukilisitaayo na kubona-bona.

D. Paulo na Balanaba bakakoma bakulu kedha bebembeli bakaniye kulugha mu buli kanisa. Bebembeli aba beetaaghagha Mwoyo Ahikiliiye niikuwo agubhe kubakoonela kwebembela mu mulingo ghwambaghanija.

Na beebembeli baa kanisa yaawe dheer bakwetaagha
Mwoyo Ahikiliye. Obasabilaghe nanga baheebewe
bujunaanijibuwa bwa mbaghanija. Ohandiike nsaala eghi
okusabila mwebembeli waawe hansi hani kandi
oghisabaghe buli kilo.

Esomo Iya 21

Bikoluwa 15:1 – 35

Kighambo kya Luhanga kikukonelagha kumal’o butakengangana

Osomo milundi ebili Bikoluwa 15:1 – 35

□ Okebela mu kaabbokisi niwaamaliye kukisoma milundi ebili.

1. Mbiki byabaay’o obu Paulo na Balanaba baakuukiye mu
Antiyokiya? (15:1)

2. Ekyalekiye baakuuka mu Yelusaalemu mbiki? (15:2)

3. Mbiki bantu baa Yelusaalemu baakoliye obu baaghuuye
haa bikwet’o Paulo na Balanaba? (15:5)

4. Peetelo akamiliila aatandika kubugha. Mbiki byalekiye
Peetelo aakola atiyo? (15:7)

5. Mbiki ebi Peetelo aghiliye ati banamahanga baatungiye?
(15:8)
